

文山遜叟蕭天石選刊

世界偉人成功秘訣之分析



03
411

人生修養名著叢刊
文山遯叟蕭天石著

世界偉人成功秘訣之分析

總二十四版
增訂四版

PDF
PDG

世界偉人成功秘訣之分析

著者：文山 歷叟 蕭天石

印行者：樹人出版社

香港西營盤西邊街370號

承印者：彩虹印刷廠

九龍新山道三四八號

定價港幣十元伍角

新
乎
知
學
PDG

世界偉人成功秘之分析增訂本序

丁明

人生之完成，全在修養。無論就其內心性上品德上人格上之完成言，或就其外在事功上學問上藝術上之建立言，總不能脫出修養一途。人無不欲完成其人生，期能造於高明博大之境，以上與天地同流，日月爭光。然濟濟衆生，類皆難免與禽獸同生死，不能超越恒流，脫凡夫而登聖域者，在未能深切了解人生修養之大道，以善自創造其自我，完成其自我，致終爲環境所拘，際遇所困耳！古往今來，凡創造時代創造歷史之聖賢豪傑，本無異於人，考其終能出類拔萃，光耀寰宇，參天地贊化育而萬古不朽者，在其於人生修養上，能深造有得，毋違宇宙間成功之原理原則而已！修養與成功之道多端，中西著述亦復汗牛充棟，然有如蕭子「世界偉人成功秘訣之分析」一書，閎通淹博，識解高明，義斷精審，論徹神髓；復條理暢達，體系嚴明，萬類同貫，鉅細靡遺者，千不得一。趨時之士，或病其書名；然細察其內容旨趣，全無背古聖之大經大法，雖名秘訣，實則字字金科，言言玉律，無不爲天理之所繫，大道之所存。其用心或在藉此以誘掖世人，循之漸進於道，以上超聖域耳！固守之士，或病其言術；然詳察其權謀術略之言，縱橫捭闔之說，要亦爲宇宙之至理，自然之常則；況「守常用經，處變用權，修己以道，對敵以術。」亦爲古聖之明訓。且全書所重者，在彼而不在此，豈可執偏概全哉！

蕭子天石，才性卓異，挺拔不群。幼治儒業，窮研經史；長究武學，深擅韜鈴；終參道佛，潛心玄妙。故遇事輒能靈心獨運，悟越恒流；心目所及，神會超曠；鉤深致隱，策無疑滯。惜乎孤懷遠紹，介傲自矜，沉潛固守，獨背時趨；致未展所長，而終老窮途耳。是書原爲其少年時代之創作，初在嘗試；惟以其

文采壯瀟，理智邃密；發為議論，精義入神；料斷事物，析極幽眇；又恒能言人之所難言，述人之所不述；故能不脛而走，當時無論青年學子或風雲人物，幾無不人手一編也。

本書內容，經此番增訂後，益見恢宏；理趣高逸，格調清遠，神悟所及，獨超家類。撫中西聖哲之名言，盡諸子百家之精華；啓成敗利鈍之秘鑰，揭乾坤造化之樞機；鎔鑄群經，渾然天成。驟視之，似全在鼓舞人追求事功上之成就；實則血脈所注，仍在教人不可止於事功中之英雄豪傑境界，而宜力求超拔於人天合一之聖人境界，方為最上一乘，方為完成其人生之究極境界。因為事功乃人生外在之成就，而非人生內在本質上之完成也。綜覽全書，聖凡內聖外王之道，成已成物之方，無不本末兼賅，體用咸宜；窮達可參，圓通無礙。誠做人做事之典則，聖賢豪傑之柱杖也。謂之為「滙萬流於一海」之最佳人生修養名著，實不為過。約而言之，其大要有如次之數端。

其修養原理篇，所言全為最高修養學。內容主在以建立一種道德標準為旨趣，陳義之高，條理之密，幾可視之為人類之道德法典。如何涵養其醇璞之心性，如何陶融其渾真之氣質，如何完成其崇高之品德，如何淨化其聖潔之人生；以及如何孕育其剛健之精神，發展其無限之才能，創造其永恆之歷史；無不神思獨耀，論邁今古，意境超曠，氣象萬千。對一個人內在完成之基本條件，由小及大，由近及遠，言簡旨宏，神韻清遠。讀之而不頹廉懦立，奮發圖雄，油然有上超聖域之思者，未之有也。默而會之，即可春華炫耀，秋實濱紛，窮通自在，卷舒自如矣！

其領袖原理篇，所言全為最高領袖學。內中對國家領導原理，政治領導原理，闡述周詳。盡二千餘年來儒道法三家「君人南面術」之神髓，賅知人用人御吏理民之極則。舉凡古代帝王學與現代領導學之精蘊

，組織運用之訣則，貞窮黜陟之準繩，辨別賢愚忠奸之要術，無不理事併舉，道術兼該。誠爲經世治平之軌範，旋乾轉坤之典要。所引古訓，搜遺輯佚，前所罕覩。且無不吉光片羽，珍俸星鳳；正所謂「片言足爲萬世師，一字可爲帝王法」者是。同時，對一個領導人物應具備之才學、胸懷、氣量、眼識、德養、風度等等一切條件，縷分理析，綱舉目張。歷來言「君學」者，實莫與之京。讀之而不胸懷浩大，氣量恢宏，眼識高遠，具天地氣象、宇宙精神者，鮮矣！蕭子昔在蓉城曾著有「大君統治學」一書，刊行於世，持論雖較本篇尤爲淵懿精湛，洞入玄微；然手此一冊，神而明之，即可端拱垂裳，撥亂反正，治天下猶反掌折枝矣！

其御人秘訣篇，所言全爲最高統治學。舉凡對人治人之道，御人服人之方，以及人性實質才氣之分析，廣徵博引，備極周詳。如何統御社會之群體，如何綢繆不同之萬類，如何觀察隱伏之心機，如何體認玄妙之性情；與乎識隱拔軼，量材器使，料曲直之宜，盡智愚之當，轉奸慝爲忠良，導貪懦爲廉勇，化怨仇爲親信，勵盜跖爲干城；恒多發幽之見，遠密之言；語疎意遠，曲盡精微。小可用以領導人羣，大可用以創造歷史。因而制之，賢愚可竭，凡聖可窮，而天下蒙旋，自盡在吾彀中矣！

其謀略原理篇，所言全爲最高謀略學。舉凡道家兵家陰謀家縱橫家之權謀韜略，長短鉤距，奇正方面，因應變化，無不發隱闡玄，徹達上乘。如何察知天下之盈虛消長，如何把握世事之嬗遞遷移；如何運用變化之機，如何轉變強弱之形；如何翻敵我之數，如何易成敗之勢；與乎論順反之理，虛實之情，裨闡之用，制先之策，抵敵之方，矛盾之義，用敵之法，縱橫之術，對動之道，無不陰符契，精義絕神。且復匠心獨造，意境高遠，雙義單辭，奧妙無窮。千古來能集謀略學之大成，復能發前人之所未發者，漢唐而

後，一人而已！苟能揣而擊之，則居中應圓，守一御萬，運天下可運諸掌上矣！

其處世原理篇，所言全爲最高處世學。呼應首篇，體備圓極。舉凡歷代聖哲守道藏用之訓，明哲保身之道，沉潛處世之理，坦游自樂之方；無不超軼絕塵，脫越恒蹊。使人入而能出，放而能收，用捨行藏，海濶天空。全心性於完璞，安天命於自然。不枝不求，無怨無尤，得大自在境。融而通之，則物我兩忘，內外俱泯，無住而不怡然自得矣！

綜觀全書，立意宏偉，造境高超，薈集百家，堂廡廓大。望之而不見其崖，探之而難窮其際。精瑩澄徹，清婉淵水，蘊藉空靈，雄奇浩瀚。有深湛之思，有創闢之力，有扶微之論，有超古之見。體用鮮明，綱領朗暢，本末輕重，措置得宜。敏於承受，而能不落傳統之窠臼；善於消化，而具深造獨創之蹊徑。非思想穎銳，慧力夙異，才識特拔者，又曷足以臻其神境。蕭子一生，平實無華，落落寡合，世鮮知者。畢生雖乏壯闊洶湧之洪濤，然如澄夷湖水，平靜不波，亦自別有所立。觀本書之微，正可由威鳳一羽，而得窺其五德！余老矣，無所求矣！譽此書非在欲取悅於蕭子也。蓋丁茲亂世，正大有爲之時，深望後之來者，能入寶山而有得也！是爲序。

世界偉人成功秘訣之分析序

梁 操

人生經緯萬端，要言之，不外做人與做事而已。究應如何做事，吾人不妨名之曰道（理），如何去做人做事，不妨名之曰術。道者原理原則，術者方法手段。道爲體，術爲用，故孔子教人，先格致誠正，而後修齊治平，所以務本也，知所本末先後，固無入而不自得。苟術而不以其道，本末先後顛倒，則術也者，只好那僞妄之技耳，不足法也。吾嘗爲詩云：「思齊自是英豪志，保潔還承聖哲心，以義馭能仁統學，天功化育庶同參。」又云：「知識才能臂利兵，狂人操此世無濟，外王內聖今高閣，家醉還應保獨醒。」蓋深感於此而發也。蕭子此書，以英雄典範與領袖典範，以鼓舞青年向上心，同時更以格致誠正修齊治平，指導青年成己成物之要，使自聖者，知所奮發，自大者，知所修省，誠針對當前社會青年思想病態之藥石也。

予意本書，修養原理一章，係以道爲基，最爲重要，亦著者所以列爲篇首意義之所在，其中主敬、主靜、主誠，尤爲聖哲進德修業入門，善讀者，幸於此再三領悟。蓋明乎道，斯可以言術，違道言術，取敗而已！故著者又殿以處世原理一章，以申聖哲退藏之義。而以禹回無別，窮達一也爲指歸，以希聖希賢，人天合一爲極則，首尾貫串，始於道，仍終於道也。中三章，重於用世，全以大機大用爲術，然樞不礙經，其大本大根，仍概以大道爲體要，讀者未可執活句爲死語，致自觸途成滯，翻正成邪，而坐困術中，此中揀別，大須慧眼；否則即得金針，仍爲死藥，又不可不察也。世人惑於外驚，忽於內省，錯於或然，不察當然，以蕭子此作藥之，誠進德修業秘要，亦世道人心所關，未可忽之也。

蕭子行深定靜，慧發聰明，今以自覺者覺人，凡所言說，不僅爲中外聖哲有得之言，亦作者了悟精進之效，非泛常所能道。

是書集古今中外聖哲格言於一爐，蒐羅既富，復融會而貫通之，既明其大，復得其當，體用分明，本末允洽，正邪審辨，可作自省錄，可作進德箴，更可作成功訣也。比來在學青年忙於自然科學，每忽心性修養，教科重於公民，而少及修身，不知修身正公民之本，未有身不修而能爲良好公民者，方當青年自覺運動正在昂揚，是書正好爲自覺之課本也。惟徵引淵博，卷帙不免浩繁，卒讀不易，領會不無費力，如能將修養等部分，加以條貫體系，簡編提要，使人人易讀，人人易明，變理論書本爲生活規範，則貢獻當更鉅大。讀竟書感，並致景企。

世界偉人成功秘訣之分析序

李 寰

中華爲世界古國之一，其文化之博大精深，悠久高明，在世界上首屈一指，此非國人夜郎自大之言，而有其事實的確切鐵證。良以中國之學術思想，諸子百家，各有獨到，包羅萬象，宏纖畢具。尤以人文思想中之經世治術，駕東挾西，爲任何學術思想所望塵莫及。試以山爲喻，中國之帕米爾高原，爲世界屋脊，語大地高山而莫之與京者，必舉之以對，無人可予否認。中國北南兩宗孔子老子之學術思想，出類拔萃，冠冕羣倫，亦登世界學術思想頂巔，有若帕米爾之雄峙霄壤，俯瞰萬山，卑睨萬流，亦無人可予否認。何以知其然也？蓋孔子之學，以周易爲體，詩書禮樂春秋爲用。其言修齊治平，則由明德新民而止於至善。其語天人性命，則自窮理盡性以至於命。內聖外王，萬物皆備於我，修己治人，六經皆我註脚。是以儒家思想，允攝人文思想之菁英，可云集中國傳統文化之大成，而得經世治術之全體大用。老子之學，以道德經爲體，兵、法、縱橫諸家衍之爲用。其術知雄守雌，無爲而無不爲。和光同塵，世入而兼世出，用之高蹈，則逐世无悶，專氣致柔，能收長生久視之神功。用之人間，則以正治國，以奇用兵，深得握奇用權之竅妙。惟其道之體用，皆出於陰，陰之道雖柔弱似水，而其機則殺，有如綿裡之鍼。善用之可以止戈弭殺，定暴戢亂，掃除政治之障礙，祈求人類之和平。不善用之，則人與人間，可能導壞心術，互相傾軋。國與國間，可能輕啓戎機，構禍釀亂，不可不察也。儒家有鑒於此，每訶詆其末流爲權謀雜霸，而欲以王道中庸之醇粹，補救道家出奇用權之流弊，以期從容中道，擇善固執，得乎陰陽相配奇正制衡之妙用。故中國所尚之傳統經世治術，敷政以陽道之正的文治，撥亂以陰道之奇的武功，而終歸於建之以立人極。

此種最高治術理想，顛撲不破，萬古常新，而成爲循之則治，反之則亂的鐵則。用之開國，而創業垂統，用之中興，而扶危正傾，用之宰制宙合，而克竟安和世界之功。今日赤潮澎湃，面臨人類毀滅時期，若欲撥亂反治，必須以孔子的中道，用仁義道德，針對共黨之暴戾恣睢，爲反其道而行之打擊。更以老子的陰道，用權術謀略，以其人之道，還治其人之身。盱衡世界反共有效方略，其對症下藥，百發百中，無有出孔老治術之右者。是以二十世紀，應爲孔老學術大行的世紀。發揚孔老學術，內拯中華，外救世界，必應有所徘徊瞻顧，毫無疑問。

中華學術思想，由孔老二聖啓迪於先，復經數千聖賢英傑據以演繹積累於後，根茂實碩，膏沃光燦，其說河漢無極，其書汗牛充棟。然綜其有關經世致用之術，提要鉤玄，亦不外君學、臣學、人學三大部份而已。所謂治學者，古人謂之君人南面之術，今語謂之領導人羣之學。中國歷代帝王，均有傳心秘訣，如舜授禹之「人心惟危，道心惟微，惟精惟一，允執厥中」的十六字心傳。洪範箕子與武王論道，有曰：「無偏無黨，王道蕩蕩，無黨無偏，王道平平，無反無側，王道正直。」其說主建中以立人極，受到歷代帝王珍視，殆與十六字心傳，等量齊觀。又論君道云：「爲政以德，譬如北辰，居其所而衆星拱之。」大學論絮矩之道爲平天下之道。孟子謂「仁者無敵」，「不嗜殺人者能一之」。姜太公六韜順啓篇云：「大蓋天下，然後能容天下。信蓋天下，然後能約天下。仁蓋天下，然後能懷天下。恩蓋天下，然後能保天下。權蓋天下，然後能不失天下。」荀子云：「能尊者謂之君。」均爲任何國家作領袖者之金科玉律，而具有領導世界之天可汗，尤應拳拳服膺。中國闡明君學之書，唐太宗貞觀政要，宋真德秀大學衍義，明太祖君範，清聖祖康熙政要等，皆其要籍，俱宜瀏覽。所謂臣學者，卽入相出將之學，經文韓武之道。欲爲帝者師

，必具王佐才，乃能以其富國強兵之術，當撥天振地之任。內安外攘，克竟中興之功。能做到「九天闔闢開宮殿，萬國衣冠拜冕旒。」更是猗歟盛哉！欲爲卓爾不羣之大政治家而兼大軍事家，入則周公召公，出則方叔召虎，爲一世謀小康，爲萬世開太平，則必文通武達，諳儒術而精韜鈴。合一天人，明陰陽而識體用。乃能治平天下，如運諸掌上，儒家經籍之宜熟讀深思者，周易爲形上形下哲學之道體，旨曲理微，顯仁藏用，與老子相表裡。尙書典謨訓誥，爲唐虞三代治術之總匯。洪範九疇，爲建中立極之大法。周禮六官，爲建邦經國之寶典。大學三綱領，八條目，中庸五達道，三達德，以及論語論政論仁，孟子辨義利王霸，均爲經世從政之要術，而春秋大義，內華外夷，攘奸復讎，尤爲挽亡拯危之續命金丹。次言諸子百家諸書之宜探討者。太公之六韜、孫子、吳子、鬼谷子及黃石公三略等，尤爲軍事學謀略學淵海。果能揣摩成熟，不難頭頭是道，泛應曲當。所謂人學者，即修己治人之學，亦即是教人如何做人處世，堂堂的做一個人之方法。以能使人具立德立功立言三不朽，以及希天希聖希賢，爲其理想遠景。人學之要，爲正人倫、復人性、辨人獸、明義利、別男女、識文野、辨華夷、析忠奸等。儒家者流之義理之學，談之鞭辟入裡，允宜多所玩味，自然有得於中，受用無窮。當今之世，有鑒括君學臣學人學之大經大法於一編，足供作領袖者之採擇，爲英雄者之參證，以及一般人所應家絃戶誦者乎。有之，則蕭子天石改寫增訂初版之「世界偉人成功秘訣之分析」，其庶幾焉！

蕭子天石，誦徧四部之書，而旁及乎內典，溝通儒道之郵，而折中於孔子。放彌卷藏，胸羅宇宙至道，允文允武，手握將相韜略，棄廟堂而樂山林，嗜研幾而事著述，今天下之黃石公也！近以新訂之世界偉人成功秘訣之分析一書示余，余受而讀之，見其洋洋數十萬言，內容析爲：修養原理，領袖道術，御人秘訣

，謀略原理，處世原理等五篇。立論準據，悉本孔老新傳，而考搜遠紹古今中外學術，圓融精湛，得未曾有，明禮達用，獨步當代。由於其習靜有年，定中生慧，闡發蘊奧，直入厄山苦縣之室；而發為應用，又能治儒、道、法、兵、縱橫諸家於一爐，鑄世間世出為一體，洩天機以拯人羣，說妙法而挽浩劫，慧劍所指，魔伏萬方，智囊一開，決勝千里。世有欲作天可汗及帝者師其人者乎？請合掌皈依，一誦蕭子之書。

聞之敷治以文，戡亂以武，自來文治武功，相需為用，合之雙美。是以周公作輔，必以太公為師，文武分工，乃能完成誅紂伐殷之大業。然亦有天挺人豪，文武兼資，敷歷中外，才堪將相，如諸葛亮、王守仁、曾國藩其人者。更有許多山林隱逸或方外退舉，其才智薄帝者師而不為，如鬼谷子、黃石公、虬髯客、陳希夷、邵堯夫、乃至邱祖機、姚廣孝之流亞，或漱石枕梳，棲遲衡門。或燒丹煉汞，養生引年。然其匡時大略，與當時世局，暗有不可分割之關係者在。今日人類乃至全世界，方正萬方多難，西方政治家謀略家正苦道高一尺，魔高萬丈，旋轉乾坤，束手無策。蕭子俯然塵外，不欲作張子房，而願學黃石公，發憤而著此書，悲天憫人之志足欽，撥亂反正之策可行。此書一出，當者百碎，逆虜聞之，能無股慄魂奪耶？

蕭子誕毓邵陽，與魏默深先生同里閭，承其法乳，後來居上。余聞魏氏經世之學，曾左胡彭用之以定太平天國，蕭子此書，應運而生茲舉世動亂之大時代，預祝其不脛而走，紙貴洛陽於中外，名重雞林於世界，能在此萬方多難之秋，為萬國萬世開太平也。盟誦竟，爰書所感如右。

世界偉人成功秘訣之分析第二十一版序

劉大元

余獲交文山遜叟三十年矣，叟今日草廬中之諸葛也。不知先生者，讀先生宏遠之文，聞先生遜叟之名，以遺老視先生，先生固未老也；先生不但篤於舊，抑審於新；尤能融會各家上乘義旨而貫通之，綜羅百代，博大精微。其所著述，概能標新義於故典，化腐朽爲神奇；自樹門庭，不落恆蹊。先生雖以寫作爲生，而擅經世之才；雖以道佛自隱，而嫻錫鈴之略，雖以孔孟爲宗，而深黃老之術。孤懷遠紹，背時趨而越家流；閱識潛修，效赤松而宏丹道。於是知先生者更寡；先生亦襟懷灑落，獨來獨往，以不忤於人，亦不伍於人爲樂。其以叟自名者，蓋亦欲遜於老也。

世固未知先生，先生亦不求人知。

，以發揚我國傳統道家文化自任。廣搜秘典，力闡玄風；選刊道藏精華，密宗叢書等百餘種，多係絕版孤本秘笈。將數千年來所不傳者傳之，所不洩者洩之，所不公開流通者流通之。續絕學於焚餘，揚至道於規後，三家俱徹，百派同治；刪繁去蕪，撥邪歸正。讀其書者，更奇其人，甚有誤先生爲教宗爲道師者，豈先生之志耶？

先生近以其二十餘年前世界偉人成功秘訣之分析一偉著，修訂發行第二十一版，讀此書不特見先生之張弛，且以見世運之升沉。

近復全部改寫，增領袖道術，謀略原理二卷 發行

不數月，即飲時譽，稱評

爲近數百年來之最佳人生修養名著。先生治學，力主直追先秦，不宗漢唐，罔言宋明，着眼高遠，會心神

世界偉人成功秘訣之分析第二十一版序

悟；不爲先儒之註疏所囿，義理所殺。去藩籬而掃宗派知見，融百家而徹上乘境地。不死句下，用古人而不爲古人所役；不滯衣鉢，標已見而不爲己見所愚。小露針線，入聖可期；大張機用，圓通無礙。讀先生之書，識先生之心，體先生之志，則知先生豈甘於老耶；豈甘於遜耶！

先生一生好學不倦，終日危坐不厭，體道潛修，怡然自樂。胸次浩大，德性渾純，與人交處，常談笑風生，有孩提赤子之態，有和風慶雲之象，仙風道氣，溢於面背。三十年往還，從未見其對人有忿厲之容，有不恕之色。嘗謂：「死生來去尋常事，乾坤變化水上漚。」由此亦足以概見其胸境之一斑矣！

古人所謂窮則獨善其身，達則兼善天下。先生以窮而未達之身，用言而不用行，於是先生名滿天下；有斯人不出，如蒼生何之感矣！此先生之所以不得不老，而致慨於先生者，原不老而亦不得不認老也。

雖然，先生縱不求人知，亦不易知，而世之知先生者，大有人在；以此書窮行之蹟，載譽之隆，可以見之。世人無不聞先生之言，抑將見先生之行。先生之言，行於天下，並使振古之豪傑，亦因斯編而徧於天下，則先生之志伸，人類蒙其福矣。敢以此書證之。

願 心 文

願讀本書的人：

都能成爲歷史上的英雄，
都能成爲世界性的偉人。
或則爲垂名千古的聖哲，
或則爲光耀環宇的超人。
或則可參天地之化育，
或則可爲萬世之所共尊。
這是我一個小小的心願，
也是我一點小小的虔誠！

石屋金言

能高尚其志，以聖賢豪傑自期者，天不能限。
能超世特立，以天下後世自任者，天不能害。
能剛健貞固，不屈不撓而不怯者，天不能弱。
能自強不息，朝乾夕惕而不倦者，天不能敗。
能自有其有，而不貪人之所有者，天不能貧。
能自適其適，而不慕人之所適者，天不能苦。
能舍己從人，與天下人共天下者，天不能孤。
能繼往開來，爲宇宙作育英才者，天不能絕。
能憂天下之憂，而不自憂其憂者，天不能困。
能樂天下之樂，而不自樂其樂者，天不能窮。
能外形骸，並忘物我而輕富貴者，天不能賤。
能外死生，與天地精神獨往來者，天不能死。

壬寅十一月十二日品茗歸來有感，仿古意作此數語，特錄之以備不忘耳。遜叟誌。